

## REGLUGERÐ

**um breytingu á reglugerð nr. 852/2000, um viðbótareiginfjárlið fyrir viðskiptabanka, sparisjóði, aðrar lánastofnanir og fyrirtæki í verðbréfafjónustu.**

### 1. gr.

Í stað núverandi 3. tl. 1. mgr. 2. gr. reglugerðarinnar komi eftirfarandi:

Vaxtagreiðslur eru einungis heimilar innan þeirra marka sem óráðstafað eigið fé leyfir, enda séu lágmarks eiginfjárkröfur jafnframt uppfylltar eftir að tekið hefur verið tillit til vaxtagreiðslna. Komi ekki til vaxtagreiðslna á tilteknu ári eða árabili safnast þær ekki upp. Heimilt er að endurskoða í eitt skipti þá vexti sem kveðið er á um í skuldabréfinu, fyrst að 10 árum liðnum frá útgáfu bréfsins. Endurskoðunin má ekki leiða til þess að fjármagnskostnaður útgefanda á síðara tímabilinu verði hærri en endurskoðaður vaxtagrunnur að viðbættu upphaflegu áhættuálagi en að frádregnum mismuninum á endurskoðaða vaxtagrunninum miðað við upphaflega útgáfu bréfsins annars vegar og upphaflega vaxtagrunninum hins vegar og að viðbættu 1% stigi eða 50% af upphaflega áhættuálaginu, sbr. ennfremur formúlu síðar í þessum tölulið. Með upphaflegu áhættuálagi er átt við áhættuálag, svonefnt útlánaálag, ofan á upphaflegan vaxtagrunn, t.d. vexti af ríkisskuldabréfum með svipaðri tímalengd og endurskoðunarákvæði vaxta miðast við. Vaxtagreiðslur samkvæmt þessum tölulið skulu miðast við niðurfærðan höfuðstól, sbr. 4. tl., sé um slíkt að ræða. Formúla fyrir endurskoðaða vexti er eftirfarandi:  $Endurskoðaðir\ vextir = EVG + UÁÁ - (EVGU - UVG) + 1\% \text{ eða } + (50\% * UÁÁ)$ , þar sem EVG er endurskoðaður vaxtagrunnur; UÁÁ er upphaflegt áhættuálag; EVGU er endurskoðaður vaxtagrunnur miðað við upphaflega útgáfu bréfsins og UVG er upphaflegur vaxtagrunnur.

### 2. gr.

Reglugerð þessi er sett á grundvelli 7. mgr. 54. gr. laga nr. 113/1996, um viðskiptabanka og sparisjóði, 10. gr. laga nr. 123/1993, um lánastofnanir aðrar en viðskiptabanka og sparisjóði, og 9. mgr. 32. gr. laga nr. 13/1996, um fyrirtæki í verðbréfafjónustu, og öðlast þegar gildi.

*Viðskiptaráðuneytinu, 20. desember 2000.*

**Valgerður Sverrisdóttir.**

*Benedikt Árnason.*

19. desember 2000

Nr. 965

## AUGLÝSING

**um staðfestingu á samkomulagi milli sveitarstjórna  
Áshrepps, Húnaþings vestra og Sveinsstaðahrepps  
um mörk sveitarfélaganna inn til landsins.**

Á grundvelli 2. mgr. 3. gr. sveitarstjórnarlaga nr. 45/1998, sbr. 5. mgr. ákvæðis til bráðabirgða við þau lög, hefur félagsmálaráðuneytið hinn 19. desember 2000 staðfest samkomulag, dags. 30. október 2000, sem undirritað er af fulltrúum allra sveitarfélaganna, um mörk sveitarfélaganna inn til landsins.

Samkvæmt samkomulaginu verða mörk sveitarfélaganna milli Víðidalstunguheiðar annars vegar og Haukagilsheiðar/Kornsártungna hins vegar svohljóðandi:

„Frá punkti á norðurbakka Bergárvatns, samanber landakort (1:50 000, Vatnsdalur), þaðan sunnan við 493 m punkt á kortinu (áður nefnt) milli „Heiðamótaáss“ og Hólmavatns, þaðan austan við Hólmavatn í 493 m punkt á kortinu (áður nefnt) á svo kallaðri „Baðstofuvatnshæð“ og þaðan bein lína suður í punkt á Hraungörðum, sem fulltrúar Porkelshóls-, Ás- og Sveinsstaðahreppa höfðu samþykkt að hafa sem merkjapunkt.“

Nefndir punktar hafa verið færðir inn á MacSea kort og koma hnit þeirra fram þar. Skoðast kortin sem hluti samkomulags þessa.

Auglýsing þessi öðlast þegar gildi.

*Félagsmálaráðuneytinu, 19. desember 2000.*

**Páll Pétursson.**

*Guðjón Bragason.*

## SKIPULAGSSKRÁ

### fyrir sjálfseignarstofnun um símenntunarmiðstöð.

#### 1. gr.

Símenntunarmiðstöðin er sjálfseignarstofnun með sérstakri stjórn. Stofnunin ein ber ábyrgð á skuldbindingum sínum. Hún er að öllu leyti sjálfstæð. Heimili Símenntunarmiðstöðvarinnar og varnarþing er í Borgarbyggð.

Stofnendur Símenntunarmiðstöðvarinnar eru: Bændaskólinn á Hvanneyri, Fjölbrautaskóli Vesturlands, Samvinnuháskólinn á Bifröst, Samtök sveitarfélaga í Vesturlandskjördæmi, Akraneskaupstaður, Borgarbyggð, Borgarfjarðarsveit, Búnaðarsamtök Vesturlands, Dalabyggð, Eyja- og Miklaholtshreppur, Eyrarsveit, Haraldur Böðvarsson hf., Hvalfjarðarstrandarhreppur, Hvítársíðurhreppur, Innri-Akraneshreppur, Kaupfélag Borgfirðinga, KG Fiskverkun ehf., Laugaland hf., Leirár- og Melahreppur, Mjólkursamlagið Búðardal, Sementsverksmiðjan hf., Skilmannahreppur, Skorradalshreppur, Snæfellsbær, Sparisjóður Mýrasýslu, Sparisjóður Ólafsvíkur, Starfsmannafélag Akraness, Starfsmannafélag Borgarbyggðar, St. Fransiskusspítali, Verkalýðsfélag Akraness, Verkalýðsfélag Borgarness, Verkalýðsfélagið Hörður, Vírnet hf., Þorgeir og Ellert hf. Eftir stofnfund geta stofnanir, félög, einstaklingar og fyrirtæki orðið aðilar að stofnuninni með samþykki stjórnar og öðlast þá sama rétt og stofnaðilar.

#### 2. gr.

Stofnfé Símenntunarmiðstöðvarinnar er kr. 4.477.975 þar af kr. 1.000.000 óskerðanlegt stofnfé að raungildi. Eigi má fara með eignum stofnunarinnar eða ráðstafa þeim á annan hátt en þann er samrýmist markmiðum hennar eða stuðlar að framgangi þeirra.

#### 3. gr.

Markmið Símenntunarmiðstöðvarinnar er að efla og styrkja íslenskt atvinnulíf og samfélag með endur- og símenntun sem taki mið af þörfum atvinnulífs og einstaklinga. Sérstaklega skal stofnunin huga að þörfum íbúa á Vesturlandi í þessu sambandi.

#### 4. gr.

Í stjórn stofnunarinnar sitja sex menn, tilnefndir eða kosnir til tveggja ára í senn. Samtök sveitarfélaga í Vesturlandskjördæmi, Samvinnuháskólinn á Bifröst, Fjölbrautaskóli Vesturlands og Bændaskólinn á Hvanneyri tilnefna einn hver. Tilnefningum skal skilað á aðalfundi og taka gildi frá þeim tíma. Verkalýðsfélög og önnur samtök launafólks sem eru aðilar að